

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI



b)

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI  
STRUČNA SLUŽBA GRADONAČELNIKA

|                       |           |           |             |
|-----------------------|-----------|-----------|-------------|
| Primljeno: 13-05-2025 |           |           |             |
| Org. jed.             | Kl. ozna. | Red. broj | Br. priloga |
| 21                    | 04        | 528/21    |             |

Broj: 02-04-524/25-AP-5  
Datum: 17.03.2025. godine

STRUČNA SLUŽBA  
GRADSKOG VIJEĆA ZAVIDOVIĆI  
- O v d j e -

PREDMET: Stav po inicijativi vijećnika Asima Džinde za izgradnju  
teniskih terena u Zavidovićima, dostavlja se

U prilogu akta dostavljam vam stav po inicijativi vijećnika Asima Džinde podnesenu za  
izgradnju teniskih terena u Zavidovićima.

Stav po podnesenoj inicijativi dostavljam u skladu sa članom 109. stav (5) Poslovnika o  
radu Gradskog vijeća Zavidovići – novi prečišćeni tekst („Službeni glasnik Grada Zavidovići“,  
broj: 7/2022 i 1/2023).

S poštovanjem

Dostavljeno:

1. Naslovu,
2. U spis.

Akt pripremila:

(Fatima Merdanović)

Akt pregledao:

(Nermin Čahtarević)



GRADONAČELNICA

mr. iur. Erna Merdić Smailhodžić



Broj: 02-04-524/25-AP-4  
Datum: 17.03.2025. godine

GRAD ZAVIDOVIĆI  
GRADSKO VIJEĆE ZAVIDOVIĆI  
- O v d j e -

Na osnovu člana 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), povodom podnesene inicijative vijećnika Asima Džinde za izgradnju teniskih terena u Zavidovićima dostavljam:

PREDMET: Stav po inicijativi vijećnika Asima Džinde za izgradnju teniskih terena u Zavidovićima, dostavlja se

Inicijativu vijećnika Asima Džinde za izgradnju teniskih terena u Zavidovićima ne treba prihvatiti.


Prostorno planskom dokumentacijom na području Grada Zavidovići nije definisan prostor za izgradnju teniskih terena, tako da nije moguće pokrenuti postupak izgradnje istih bez adekvatne investiciono-tehničke dokumentacije bazirane na prostorno-planskoj dokumentaciji.


Obzirom da je u toku postupak izrade regulacionih planova za Grad Zavidovići nastojat ćemo da se obezbijedi adekvatan prostor za izgradnju teniskih terena.

S poštovanjem

Dostavljeno:

1. Naslovu,
2. U spis.


Akt pripremio:   
(Almir Mustafić)

Akt pregledala:   
(Džeraldina Miličević)

Akt pregledao:   
(Nermin Čahtarević)



GRADONAČELNICA

mr. iur. Erna Merdić Smailhodžić 

BOSNA I HERCEGOVINA  
FEDERACIJA BOSNE I HERCEGOVINE  
GRAD ZAVIDOVIĆI  
GRADSKO VIJEĆE ZAVIDOVIĆI  
n/r. Predsjedavajuća

**Predmet: INICIJATIVA ZA IZGRADNJU TENISKIH TERENA U  
ZAVIDOVIĆIMA**

Poštovani, na osnovu člana 109. Poslovnika o radu Gradskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim INICIJATIVU za izgradnju teniskih terena u Zavidovićima.

**OBRAZLOŽENJE:**

Tenis je jedan od najpopularnijih sportova u svijetu, a njegova vrijednost ne leži samo u fizičkoj aktivnosti, već i u disciplini, strpljenju, mentalnoj snazi i takmičarskom duhu koji razvija kod sportista. **Grad Zavidovići, iako ima bogatu sportsku tradiciju u različitim disciplinama, ostao je jedini grad u Bosni i Hercegovini bez teniskih terena.** Dok su drugi gradovi širom zemlje prepoznali značaj ulaganja u ovaj sport, naši građani su ostali uskraćeni za mogućnost bavljenja tenisom, bilo na rekreativnom, bilo na takmičarskom nivou.

Svi danas znamo imena Novaka Đokovića, Carlosa Alcaraza, Rafaela Nadala, sestara Williams i mnogih drugih. Njihovi uspjesi nisu došli slučajno – iza svakog od njih stoje godine treniranja, odricanja i, najvažnije, dostupnost osnovne infrastrukture. **Postavlja se pitanje, da li u Zavidovićima imamo potencijalne šampione, buduće prvake, talente koji nikada nisu dobili priliku da pokažu svoj potencijal?** Bez teniskih terena, nemoguće je očekivati razvoj ovog sporta, a samim tim ni priliku za mlade da ostvare svoje snove i bore se na velikim terenima.

**U prošlosti, naš grad je imao teniske terene, ali su oni vremenom uništeni i sada ne postoje. Time su ne samo ugrožene mogućnosti za razvoj tenisa, već je i naš grad izgubio još jedan segment sportske infrastrukture koji je mogao doprinijeti kvaliteti života građana.** Tenis nije sport samo za profesionalce – on je prilika za rekreaciju, socijalizaciju i zdrave životne navike.

**Vrijeme je da se ova situacija promijeni i da se Zavidovićima vrati ono što mu pripada – sportski teren na kojem će mladi moći trenirati, građani se rekreirati, a grad biti domaćin turnirima i sportskim manifestacijama.** Izgradnja teniskih terena u našem gradu donijela bi višestruke koristi. Prije svega, omogućila bi razvoj novih talenata i pružila priliku djeci i mladima da se okušaju u ovom sportu. Također, značajno bi unaprijedila sportsku infrastrukturu, podigla kvalitet života i povećala atraktivnost Zavidovića kao mjesta za život i razvoj. Gradovi s kvalitetnim sportskim sadržajem bilježe pozitivne trendove u turizmu, razvoju





Socijaldemokratska partija Bosne i Hercegovine  
Социјалдемократска партија Босне и Херцеговине

sloboda, jednakost, solidarnost

sportskih klubova i privlačenju investicija, što bi dugoročno imalo pozitivan efekat i na lokalnu ekonomiju.

Kako bismo ispunili osnovne standarde za razvoj tenisa i organizaciju turnira, neophodno je da se izgrade minimalno dva osvijetljena teniska terena, uz pomoćni objekat koji bi služio za svlačionice, opremu i organizaciju takmičenja.

**Lokaciju za izgradnju ostavljamo na razmatranje nadležnim gradskim službama, uz očekivanje da se pronađe rješenje koje će osigurati dugoročnu održivost ovog projekta.**

Ovo nije samo pitanje izgradnje sportskog objekta, već pitanje vizije i budućnosti našeg grada. Hoćemo li ostati jedini grad u Bosni i Hercegovini bez teniskih terena ili ćemo omogućiti mladima i svim građanima priliku da se bave ovim sportom?


Hoćemo li stvoriti uslove da se u Zavidovićima jednog dana rodi novi teniski šampion ili ćemo i dalje gledati kako talenti odlaze u druge gradove i zemlje, u potrazi za boljim uslovima?

Molim nadležne gradske službe da u razumnom roku dostave prijedloge za realizaciju ovog projekta i da se inicijativa razmotri na prvoj narednoj sjednici Gradskog vijeća.

**S poštovanjem,**



Vijećnik SDP BiH

  
Asim Džindo, ing.el.

Zavidovići, 27.2.2025.